

ԱՇԽԱՐՀԲԵԿ ՔԱԼԱՆԹԱՐ

(Ծննդյան 100-ամյակի առթիվ)

ՀՍՍՀ ԳԱ ակադեմիկոս Բ. Ն. ԱՌԱՔԵԼՅԱՆ

Բոլորել է անվանի հայագետ, հնագետ, պատմաբան, պրոֆեսոր Աշխարհ-
բեկ Քալանթարի ծննդյան հարյուրամյակը:

Աշխարհբեկ Քալանթարը ծնվել է Գուգարքի Արզվի գյուղում 1884 թ.
փետրվարի 11-ին. 1903 թ. ավարտել է Թիֆլիսի Ներսիսյան դպրոցը: 1905—
1906 թթ. աշխատել է որպես ուսուցիչ Ախալցխայի դպրոցներից մեկում: Ներ-
սիսյան դպրոցում ստացած հիմնավոր միջնակարգ կրթությունը դասական գի-
տելիքներով լրացնելու նպատակով նա 1906 թ. էքստենս կարգով ավարտում
է նաև Թիֆլիսի 3-րդ արական գիմնազիան: 1907 թ. Աշխարհբեկ Քալանթարն
ընդունվում է Պետերբուրգի համալսարանի արևելյան լեզուների ֆակուլտետի
հայ-վրացական բանասիրության և պատմության բաժինը՝ աշակերտելով մե-
ծանուն լեզվաբան, կովկասագետ, արևելագետ Նիկողայոս Մառին: Հաջորդու-
թյամբ ավարտելով համալսարանը 1911 թ., Ա. Քալանթարը մնում է նույն
ֆակուլտետի հայագիտության և վրացագիտության ամբիոնում՝ իր գիտելիք-
ները կատարելագործելու նպատակով:

Դեռևս ուսանելու տարիներին և հետագայում Ա. Քալանթարը մասնակե-
ցում է Անիի պեղումներին, որոնք կատարվում էին Ն. Մառի ղեկավարու-
թյամբ և Հովսեփ Օրբելու անմիջական մասնակցությամբ: Պետերբուրգի հա-
մալսարանում, մասնավորապես Անիի երկարամյա պեղումների ընթացքում ձևա-
վորվում է երիտասարդ գիտնականը՝ հայագիտական, հնագիտական և արևե-
լագիտական լայն գիտելիքներով և աշխատանքի զգալի փորձով:

1917 թ. Աշխարհբեկ Քալանթարը Անիից հեռացող վերջին հնագետներից
մեկը եղավ և զգալի աշխատանք կատարեց Անիի պեղումներով հայտնաբեր-
ված և տեղի թանգարանում կենտրոնացված հնագիտական նյութերը տեղա-
փոխելու, փրկելու գործում: Նույն 1917 թ. Ա. Քալանթարը Նիկողայոս Ազոն-
ցի հետ գործուղվում է Վան՝ քաղաքում և նրա շրջակայքում ուրարտական սե-
պագիր արձանագրություններ ուսումնասիրելու և նորերը հայտնաբերելու ա-
ռաքելությամբ և փրկում բերում է որոշ նյութեր: 1920 թ. մի պահ հնարավոր
դարձավ ուսումնասիրություններ ձեռնարկել Անիի շրջանում և Ա. Քալանթարի
զլխավորած գիտական արշավախումբը հուշարձանների չափազրություններ,
լուսանկարումներ է կատարում Անիում, Տեկորում և ընդօրինակում է բազմա-
թիվ վիմագիր արձանագրություններ:

1921 թ. Աշխարհբեկ Քալանթարը հրավիրվում է Երևանի պետական հա-
մալսարան, որտեղ աշխատում է մինչև 1937 թ.¹ դասախոսելով հնագիտու-
թյուն, հայոց պատմություն (հին դարաշրջանը) և Հին Արևելքի պատմություն.
նա զգալի վաստակ ունի համալսարանական, գիտական կադրերի, մասնավոր-
ապես հնագետ-պատմաբանների պատրաստման բնագավառում: 1929 թ.
նրան շնորհվել է պրոֆեսորի կոչում:

¹ Այժմ այդ նյութերը գտնվում են Հայաստանի պատմության պետական թանգարանում:

Մեծ է անվանի գիտնականի վաստակը հայ ժողովրդի՝ դարերի ընթացքում կերտած պատմության և կուլտուրայի հուշարձանների պահպանության և ուսումնասիրության գործում:

Հնությունների պահպանության կոմիտեի հիմնադրման օրից՝ 1923 թ. սկսած նա անընդմեջ եղել է նրա աշխատակիցը, տարիներ շարունակ գիտնական քարտուղարը, անդամը: Կոմիտեի նախագահ, ճարտարապետության ակադեմիկոս Ալեքսանդր Թամանյանի, մեծավաստակ ճարտարապետ Թորոս Թորամանյանի, Սենեքերիմ Տեր-Հակոբյանի, հետազայում՝ Կարո Ղաֆադարյանի, Սեդրակ Բարխուդարյանի, Հովսեփ Եղիազարյանի և այլոց հետ միասին նա մեծ ջանքեր է գործադրել հուշարձանների պահպանության և ուսումնասիրության ասպարեզում:

1920-ական թթ. Հնությունների պահպանության կոմիտեի առջև ծագած գլխավոր խնդիրը հուշարձանների հաշվառումը և նրանց պահպանության կազմակերպումն էր, և Ա. Քալանթարն այդ գործին նվիրվում է ամբողջ եռանդով ու մեծ ջանասիրությամբ: Նա գլխավորում է բազմաթիվ արշավախմբեր՝ հուշարձանների հետախուզումը և հաշվառումը ուղեկցելով նրանց գիտական ուսումնասիրությամբ:

1920—30-ական թթ. Հայաստանում գոյություն են ունեցել տարբեր անուններ կրող գիտական հաստատություններ՝ «Հայաստանի գիտական ինստիտուտ» (1921 թ.), «ՀՍԽՀ գիտության և արվեստի ինստիտուտ» (1925 թ.), «Կուլտուրայի և պատմության ինստիտուտ» (1932 թ.), «Պատմության և գրականության ինստիտուտ» (1935 թ.): Անունների փոփոխությունը, սակայն, նրանց կազմի փոփոխություն չէր առաջացնում: Այդ ինստիտուտները փաստորեն միավորում էին հայագիտության հին սերնդի փայլուն համաստեղության համարյա բոլոր ներկայացուցիչներին, նաև մի շարք երիտասարդ մասնագետներին: Աշխարհբեկ Քալանթարը այդ հաստատությունների մշակական անդամն էր և նրանց գիտահետազոտական աշխատանքների գործուն մասնակիցը:

Բազմակողմանի և բազմաբովանդակ է եղել Աշխարհբեկ Քալանթարի գիտական, մանկավարժական և գիտակազմակերպական գործունեությունը. անհատնում նրա եռանդը: Նույնքան բազմակողմանի է եղել նաև նրա գիտական ստեղծագործությունը, որն ընդգրկել է տարբեր դարաշրջանների վերաբերող պատմահնագիտական բազմաթիվ հարցեր՝ հին բարեկարից (պալեոլիթից) սկսած մինչև միջին դարերը ներառյալ, չբացատրելով նաև հայկական ճարտարապետության, արվեստի հուշարձանների, վիմագիր արձանագրությունների ուսումնասիրությունը: Նրա գրչին են պատկանում 30-ից ավելի աշխատություններ: Դեռևս 1913 թ. նա հրատարակել է դեպի Իմերզեկ կատարած ուղեվորության հաշվետվությունը, որը վերաբերում էր տեղի՝ Աստվածածնի տունը կրող եկեղեցու և նրա վիմագիր արձանագրությունների հետազոտությանը: 1923 թ. լույս է տեսել Երևանի համալսարանում իր կարդացած դասախոսությունների համառոտագրությունը՝ «Հնագիտություն, մասն Ա. նախադասական հնագիտություն», որը, մասնագիտական գրականության բացակայության պայմաններում, անհրաժեշտ ձեռնարկ էր ուսանողության համար: Արագածի լանջերին կատարած հետազոտությունների հաշվետվությունը, Արագածի պատմահնագիտական սկնարկով, հրատարակվել է «Նորք» ամսագրում²:

1927—1929 թթ. Աշխարհբեկ Քալանթարը Սովետական Միության և արտասահմանյան ամսագրերում և գիտական ժողովածուներում հրատարակել է հոդվածներ Երևանում՝ Երզնսի շինարարության ժամանակ գտնված բրածո մարդու և Արմավիրում հայտնաբերված մի հիերոգլիֆ արձանագրության մասին:

Աշխարհբեկ Քալանթարի հետաքրքրության շրջանակներում էին նաև ուրարտական սեպագիր արձանագրությունները: 1927 թ. լույս է տեսնում նրա

² Քարե դարը Հայաստանում.—«Նորք», 1925, № 5—6:

«Երկու սեպագիր» խորագիրը կրող գրքույկը, որում հրապարակված է Ռուսա I-ի՝ Նոո Բայազետում գտնված արձանագրությունը, նկարագրված են Օձաբերդի (Ծովինարի)՝ Սևանի ջրերի վրա կախված անմատչելի ժաշուի վրա փորագրված արձանագրության էստամպած հանելը և լրացուցիչ ուսումնասիրությունները, շարադրված է դեպի հյուսիս ուրարտացիների կատարած արշավանքների համառոտ պատմությունը³։ Նրա ուսումնասիրության առարկան է դառնում նաև Հոկտեմբերյանի շրջանի Ջանֆիդա գյուղում գտնված ուրարտական արձանագրությունը⁴։

Լինելով Հայաստանի հնությունների պահպանության կոմիտեի գիտնական քարասուղարը, Ա. Քալանթարը մի հույժածով ամփոփում է կոմիտեի 1920-ական թթ. գործունեությունը⁵։

1931 թ. ծրագրված էր պեղումներ ձեռնարկել Հին Վաղարշապատում։ Նախատեսված էր արշավախմբի կազմը բաղկացած մի քանի անվանի գիտնականներից և երիտասարդ հնագետներից։ Արշավախմբի ղեկավար լինելու էր ակադ. Նիկողայոս Սառը, սակայն ծանրաբեռնված լինելով անհետաձգելի աշխատանքներով, նա հնարավորություն չունեցավ մասնակցելու պեղումներին, ուստի արշավախմբի փաստական ղեկավարությունն իրականացնում էր Ա. Քալանթարը։ Պեղումներ կատարվեցին Զվարթնոց տաճարի մերձակայքում և Հոփսիսիմե եկեղեցու շուրջը։ Արշավախումբը հայտնաբերեց տարբեր դարաշրջանների հուշարձաններ, սկսած ուշ բրոնզեդարյան և վաղ երկաթի ժամանակների դամբարանաբլուրներից մինչև Զվարթնոցի վաղ միջնադարյան քաղաքապետական կառուցվածքի արհեստագործական հիմքերը։ Հոփսիսիմե եկեղեցու շուրջը բացվեց Վաղարշապատի հին գերեզմանոցը, որտեղ հայտնաբերված թաղումները նա բաժանեց հինգ տիպի՝ քարակղզային դամբարաններ, հողի կըտըրվածքում (հիմնահողային), կարասային, թրծած կավե դադաղ-սարկոֆագային և կոշկաձև սարկոֆագային դամբարաններ։ Այդ դամբարաններում հայտնաբերվեցին անտիկ դարաշրջանի համար բնորոշ հնագիտական նյութեր։ Դա հին հայկական կամ անտիկ դարաշրջանի հուշարձանների Հայաստանում կատարվող առաջին պեղումներն էին, որոնք թեև չշարունակվեցին, բայց բավականաչափ արդյունավետ եղան։

Կատարված պեղումների արդյունքներին է նվիրված Ա. Քալանթարի «Հին Վաղարշապատի պեղումները» աշխատությունը, որը լույս է տեսել 1935 թ.։ Գրքույկում տրված է պեղումների ընդհանուր նկարագրությունը և հայտնաբերված նյութերի ճիշտ թվագրությունն ու մեկնաբանությունը։ Կարելի է ասել, որ Վաղարշապատի պեղումներով և Աշխարհբեկ Քալանթարի ոչ մեծածավալ, բայց առժեքավոր գրքով սկսվեց հին կամ անտիկ դարաշրջանի հայկական նյութական մշակույթի հնագիտական ուսումնասիրությունը։

Արագածի լանջերին տարիների ընթացքում կատարած հետազոտական աշխատանքների արդյունքը հանդիսացավ նրա «Արագածը պատմության



³ Աշխարհբեկ Քալանթար. Երկու սեպագիր. Երևան, 1927։

⁴ Տե՛ս օրագիր Հայաստանի հնությունների պահպանության կոմիտեի. № 4, պրակ Ա, 1930։

⁵ Տե՛ս Գիտությունը և գիտահետազոտական աշխատանքները Խորհրդային Հայաստանում 1920—1930 թթ. (ժողովածու). Երևան, 1931։

մեջ» հորուկր. ոոր պատմահնագիտական ուղեցույց է և իր նշանակությունը չի կորցրել նաև մեր օրերում: Նույն բնույթի ուսումնասիրություն է նաև «Մի հնագույն ջրաբաշխական սիստեմ Խորհրդային Հայաստանում» հոդվածը:

Աշխարհքեկ Քալանթարը հրատարակության էր պատրաստել նաև տասից ավելի այլ աշխատություններ, որոնց թվում՝ «Հայաստանի մեզալիթյան կուլտուրան և նորահայտ հիերոգլիֆները», «Հայաստանն իր պատմության արխիվ շրջանում», «Հայաստանի խալդական արշավանքներից առաջ»:

Գիտությունների ակադեմիայի հնագիտության և ազգագրության ինստիտուտի արհմիջուկ պահվում են Ա. Քալանթարի՝ կորստից փրկված հետևյալ երեք ձեռագիր աշխատությունները.

ա) Հայ վիմական արձանագրություններ. Վանստան (Իմերզեկ), 265

թերթ:

բ) Արագածյան ջրաբաշխական սիստեմը հին Հայաստանում, 21 էջ, 1933 թ.:

գ) Երևանի կաթողիկեն, 34 էջ, 1937 թ.:

Հեղինակն ունեցել է և այլ ձեռագիր աշխատություններ:

Անվանի գիտնականի գործունեությունն ընդհատվեց 1937 թ., ուժերի ծաղկման շրջանում, իսկ իր մահկանացուն նա կնքել է 1942 թ. հունիսի 2-ին, թողնելով իր հայրենիքին նվիրված գիտնականի բարի հիշատակ:

Աշխարհքեկ Քալանթարը զգալի ներդրում ունի գիտության բնագավառում, և նույն թողած գիտական ժառանգության մի մասը չի կորցրել իր արժեքն ու նշանակությունը. մեկ ժողովածուով դրանց հրատարակությունը կլի ներ նվեր հայագիտությանը և հալածածագումը վաստակավոր գիտնականի հիշատակի:

АШХАРБЕК КАЛАНТАР

(К 100-летию со дня рождения)

Академик АН АрмССР Б. Н. АРАКЕЛЯН

Резюме

Видный арменовед, археолог, историк проф. Ашхарбек Калантар родился в феврале 1884 г. В 1903 г. окончил школу Нерсисян в Тбилиси, в 1905—1906 гг. работал школьным учителем в Ахалкалаке. В 1907 г. А. Калантар поступает в Петербургский университет и учится на отделении армяно-грузинской филологии факультета восточных языков, будучи студентом Н. Я. Марра. Еще до окончания университета в 1911 г. и впоследствии он в течение ряда лет принимает участие в раскопках средневековой столицы Армении Ани, которые проводились под руководством Н. Я. Марра.

В 1921 г. А. Калантар приглашается на работу в Ереванский государственный университет, где он преподавал, археологию и историю Древнего Востока вплоть до 1937 г. Он имеет большие заслуги в подготовке кадров для молодой Советской республики. Исключительно большую работу он проводил по учету и охране памятников страны, будучи сотрудником и ученым секретарем основанного в 1923 г. Комитета по охране древностей Армении. В 1931 г. Калантар возглавлял экспедицию по раскопкам древнего Вагаршапата, положив начало изучению археологических памятников Армении эпохи античности.

А. Калантар—автор более 30 научных трудов. Его исследования охватили довольно широкий круг вопросов истории и археологии, начиная от палеолита и до средних веков включительно. Им внесен значительный вклад в археологическое изучение Армении и в подготовку кадров по археологии и истории. Скончался Калантар в июне 1942 г.

6 Տե՛ս ՉԽԶ պատմության և գրականության ինստիտուտի Տեղեկագիր. գիրք 2-րդ, 1937: